

# Gweithredu'r Hawliau

Cylchlythyr Rhwydwaith Pobl Ifanc Anabl Cymru



Croeso i rifyn cyntaf cylchlythyr Gweithredu'r Hawliau – Cymru

GWANWYN 2005

**Mae Gweithredu'r Hawliau yn rhwydwaith ar gyfer pobl ifanc anabl. Ei nod yw rhoi fforwm ar gyfer rhoi llais i bobl ifanc anabl, a gweithredu i hyrwyddo a diogelu eu hawliau.**

Mae Plant yng Nghymru yn cefnogi datblygiad y rhwydwaith, gyda chefnogaeth gan y Comisiwn Hawliau Anabledd a Comic Relief. Nod y rhwydwaith yw rhoi cyfleoedd i bobl ifanc anabl ddysgu a chael hwyl, dysgu am eu hawliau, codi materion o gonsyrn a chael llais mewn penderfyniadau yn effeithio arnynt.

Mae grwpiau ledled Cymru wedi cymryd rhan wrth greu'r rhwydwaith drwy gymryd rhan mewn gweithgareddau grŵp, gweithdai a



thrafodaethau. Etholodd y grwpiau gynrychiolwyr i fynychu cyfarfod rhanbarthol, yn Stackpole, Penfro ac yn y Bala yn hydref 2004. Arweiniwyd y cyfarfod gan Plant yng Nghymru, Draig Ffyni a Dynamix.

Defnyddiwyd Confensiwn y Cenhedloedd Unedig ar Hawliau'r Plentyn a'r model Cymdeithasol o anabledd fel sail i ymchwilio materion. Bydd cynrychiolwyr yn bwydo'n ôl i'w grŵp lleol, a dod â syniadau newydd a phryderon i gyfarfodydd y rhwydwaith yn y dyfodol.

Gan mai'ch cylchlythyr chi yw hwn, rydym eisiau gwybod pa faterion sy'n bwysig i chi. Cysylltwch gyda ni a gwnawn yn siŵr y caiff eich sylwadau a'ch syniadau eu rhannu gydag aelodau'r rhwydwaith.



**Os hoffech ymuno â Fforwm E-bost Gweithredu'r Hawliau yna anfonwch gais e-bost at:**

**David Baker,**  
Cydlynnydd,  
Gweithredu'r Hawliau,  
24-26 Stryd Fawr,  
Caernarfon LL55 1RH  
Ffôn: 01286 677570  
Ffacs: 01286 676095  
E-bost:  
[david.baker@childreninwales.org.uk](mailto:david.baker@childreninwales.org.uk)



## **Helo, David Baker wyf i a fi yw eich Cydlynnydd Rhwydwaith newydd**

**Rwy'n byw mewn pentref bach yn Eryri. Rwy'n hoffi cerdded, dringo a beicio mynydd felly mae'n lle perffaith i fyw ac rwy'n hoffi mynd o gwmpas mor aml ag y medraf.**

Rwyf wedi gweithio am y 2 flynedd ddiwethaf yn rheoli siop trwsio beiciau sy'n cyflogi pobl gydag anawsterau dysgu a phobl anabl. Mae gennyf gymwysterau athro ac

rwyf wedi arbenigo mewn addysgu pobl gydag anawsterau dysgu i ddefnyddio cyfrifiaduron. Rwyf hefyd wedi dysgu pynciau eraill fel celf a chrefft a chwaraeon.

Mae fy swydd yn golygu y byddaf yn eich helpu i adeiladu rhwydwaith o bobl ifanc yng Nghymru a'ch helpu i gael eich lleisiau wedi'u clywed. Ni fedraf addo y gwnawn bethau dros nos. Ond rwy'n addo rhoi cymaint o help a chefnogaeth ag y medraf fel y bydd y rhwydwaith yn tyfu'n fwy ac yn well a byddwn yn gwneud gwahaniaeth. Rwy'n credu y bydd yn wirioneddol gyffrous a hwyl ac rwy'n edrych ymlaen at weithio gyda phobl ifanc i'w wneud yn llwyddiant.

Os medraf helpu gydag unrhyw beth, yna rhowch wybod i mi.

**Rwy'n edrych ymlaen at weithio gyda phawb ohonoch.**



**Disability Rights Commission**

## **YN Y RHIFYN HWN**

**Ymweliad Stackpole 2**  
**Deinamig 3**  
**Pobl Caerdydd 4-5**  
**Clebran & Dash 6**

## Diwrnod Un: Cyrraedd

**Fy argraff gyntaf o Stackpole oedd “iawn, mae’n bwrw glaw, rydym tua 30 munud ar droed o’r môr ac nid oes unrhyw siopau am gwpl o filltiroedd.”**

Os oes storm ac os caiff ein pŵer ei dorri i ffwrdd, yna rydym yn marw ac i wneud pethau’n waeth, rydym yn ymyl cae o wartheg felly bydd yr holl wartheg gwirion yn fy nghadw ar effro drwy’r nos”! Es ar unwaith i fy ystafell oherwydd roedd gen i fag o ddillad yn un llaw a fy ngitâr yn y llaw arall. (Roeddwn wedi mynd â fy ngitâr gyda mi i fy nifyrru pan nad oeddem yn trafod materion). Roedd yn rhaid i ni fynd drwy ystafell yn edrych fel pabell syrcais fawr gyda tho oedd yn gollwng ac

yn gwneud synau ofnadwy pan oedd y gwynt a’r glaw yn chwythu yn ei erbyn. Es â fy stwff i fy ystafell i (roedd gen i ystafell fy hun oedd yn braf). Es wedyn i’r ffreutur i ddweud helo wrth bawb. Fe wnes gyfarfod Cath Lewis o Plant yng Nghymru, Teresa o’r Ddraig Ffynci, Kath o Dynamix, Lee Emery a Splodge a Rhiannon. Fedra’i ddim cofio pawb arall oherwydd roedd cymaint o bobl yno. Unwaith yr oedd pawb wedi cyflwyno ei gilydd aethom i’r brif ystafell oedd yn braf a mawr. Roedd ganddi fwth bach yn y gornel oedd ychydig bach fel bwth gorsaf radio. Fe wnaethom ddechrau drwy atgoffa pawb pwy oeddem.

Fe wnaethom drafod materion pawb am tua awr ac yna fy nhro i oedd hi. Roeddwn yn mynd i’w ddarllen fy hunan ond yn sydyn roedden yn nerfus iawn felly fe wnaeth Zoë ei ddarllen i mi.

## Fy 8 mater oedd:

1. Ymwybyddiaeth anabledd
2. Mynediad i drafnidiaeth gyhoeddus
3. Hawl i addysg
4. Cyfleusterau ieuencid integredig
5. Addysg system gymysg
6. Gwell cyfleusterau ieuencid
7. Mwy o gyfleoedd cyflogaeth i’r anabl
8. Hawliau dynol sylfaenol

Ar ôl i fwy o bobl ddarllen eu materion, fe wnaethom roi’r gorau iddi am y nos. Roeddwn yn meddwl fod rhai o’r materion y gwnaethom eu trafod ar y diwrnod cyntaf yn dda ac nad oedd angen trafod rhai ohonyn nhw.

**Fe wnes ffrindiau gyda llawer o’r bobl, a mwynheais y diwrnod yn fawr.**



**“Felly o ystyried popeth roeddwn yn meddwl fod profiad Stackpole yn dda”**

## Diwrnod Dau: Y Diwrnod Olaf.

**Pan wnes ddeffro am 6:30 (yr amser cynharaf i mi erioed fy neffro ar ben fy hunain!) gwisgais amdanaf, tynnu fy ngitâr allan o’i gês a mynd lawr grisiau i gymryd fy meddyginiaeth.**

Fe es o amgylch yr adeilad yn canu fy ngitâr a chefais air gyda’r dyn cynnal a chadw. Yr arwydd cyntaf o fywyd a welais o unrhyw un arall oedd Bob yn y gegin am 7:30 yn coginio’r brecwast tra golchais i y mygiau. Ar ôl brecwast fe wnaeth pawb arall bacio eu stwff a’i roi yn y faniau y daethant ynddynt. Fe wnaethom ddechrau ein trafodaeth am 10:00 a

chario ymlaen tan ginio. Ar ôl cinio fe wnaethom chwarae rhai gemau hyd 3:00 pan oedd yn amser mynd. Cyn i ni adael dywedodd Bob wrthym ei fod yn mynd i adael Plant yng Nghymru i fynd at Dynamix, a roddodd ddŵr oer ar yr hyn oedd i fod yn ddiwrnod hwyl. Ffarweliodd pawb â’i gilydd a rhoi’n dymuniadau gorau iddo. Ar y ffordd gartref roeddwn yn llonydd iawn a thawel iawn oedd ddim fel mi o gwbl. Rwy’n meddwl ei fod oherwydd nad oeddwn yn mynd i weld fy holl ffrindiau newydd am dipyn.

**“Ar y ffordd gartref roeddwn yn llonydd iawn a thawel iawn oedd ddim fel mi o gwbl. Rwy’n meddwl ei fod oherwydd nad oeddwn yn mynd i weld fy holl ffrindiau newydd am dipyn.”**

# Deinamig - Ein profiadau yn y Bala

**Doedden ni ddim yn adnabod unrhyw un i ddechrau mewn gwirionedd a theimlem braidd yn chwithig ond roedd pawb yn gyfeillgar iawn. Roedd yn wych siarad gyda phobl ifanc arall o bob rhan o Gymru a chlywed am eu straeon a'u profiadau.**

Roeddem yn hoff iawn o staff y Ddraig Ffyni a Dynamix, roeddent yn gwneud y gweithdai yn hwyliog iawn a'n helpu i ddeall am hawliau pobl ifanc. Roedd yn galed i ddechrau oherwydd nad oedden ni'n hoffi codi o flaen y grŵp i roi cyflwyniadau. Ond fe ddaeth hyn yn haws wrth i ni wneud ffrindiau a chynyddodd ein hyder. Rydyn ni'n deall y gwahaniaeth rhwng ein hawliau a'n haeddiant yn awr ac wedi medru siarad gyda'n ffrindiau yn yr ysgol/grŵp amdano. Yn Deinamig rydym wedi bod ar y Rhynggrwyd yn ymweld â safleoedd a gaiff eu rhestru yn y llyfryn haeddiant.

Rydyn ni wedi bod yn ceisio cadw mewn cysylltiad gyda'r grŵp drwy'r bwrdd negeseuon. Mae llawer o luniau gwych o'r trip ac roeddwn wrth fy modd yn defnyddio'r camera digidol. Mewn gwirionedd, fedrwn ni ddim stopio!

Roedd y bwyd yn wych, roedden ni wrth ein bodd hefo'r donyts a'r teisennau ac yn y min nos fe aethom i'r ale fowlio, defnyddio'r staff sgiliau syrcais (medrodd James gadw 6 plât i fyny) a gwnaeth un ohonom grys-ti.


***“Nid oes gan y ganolfan hamdden yn ein tref y teclyn codi y mae rhai o'r grŵp ei angen i fynd i'r pwll. Dydyn ni ddim yn meddwl ei***

***bod yn deg eu bod yn cael eu gadael allan felly dydyn ni ddim yn mynd yno erbyn hyn.”***



## Dyma rai o'r materion yr hoffai'r cynrychiolwyr a'r grŵp ehangach gael sylw iddynt

- Nid yw'r teclyn codi sydd ei angen i gael rhai o'n grŵp i'r pwll yn y ganolfan hamdden yn ein tref. Mae pawb yn cytuno nad yw'n deg i rai gael eu gadael allan felly dydyn ni ddim yn mynd yno mwyach. Mae'r ganolfan hamdden yn dweud nad oes arian ganddyn nhw i brynu un. Beth fedrwn ni wneud am hyn?
- Fe hoffwn i fynd i goleg neu brifysgol ond fe fyddwn i angen cefnogaeth. A oes gen i hawl i'r gefnogaeth yma – sut mae'n gweithio?
- Mae gan un aelod o'r grŵp chwaer anabl ond mae wedi cymryd llawer o flynyddoedd i'r cyrff proffesiynol gydnabod yr anabledd. Mae'r ferch a'i rhieni wedi cael nifer fawr o gyfweiliadau, asesiadau ac apwyntiadau gyda swyddogion. Mae'r ffaith na chafodd ei chwaer y driniaeth a'r gefnogaeth y dylai fod wedi rhoi llawer o bwysau ar ei deulu. Roedd eisiau gwybod pam iddi gymryd cymaint o amser i hyn gael ei drefnu ac a oedd yn digwydd i deuluoedd eraill hefyd?
- Hyd yn oed ar ôl i'r Ddeddf Gwahaniaethu ar sail Anabledd ddod i rym mae rhai adeiladau lleol yn dal i fod yn anhygyrch i bobl ifanc oherwydd eu strwythur. Cychwynnodd hon y drafodaeth am ba addasiadau y dylid eu gwneud i sicrhau fod pob adeilad yn hygyrch i bobl anabl.
- Beth ddylai'r canlyniadau fod i bobl heb fod yn anabl sy'n defnyddio gofodau parcio ceir i'r anabl mewn archfarchnadoedd ac ati?



## Pobl Caerdydd yn Gyntaf yn cynnwys Mwy o Leisiau



**Croeso i Pobl Ifanc yn Gyntaf! Rydym eisiau cael dweud ein barn!  
Hoffem i chi ymuno â Pobl Caerdydd yn Gyntaf i ddweud ein barn.**

Rydym wedi ymuno â Rhwydwaith Pobl Ifanc Anabl Cymru. Mae ynglŷn â hawliau pobl ifanc anabl. Rydym yn mynd i helpu Richard a Stacie roi eu sylwadau yng nghyfarfodydd y Rhwydwaith i roi cyfleoedd i bawb i siarad drosom ein hunain.

### **Rydym yn credu fod y Rhwydwaith yn bwysig oherwydd:**

- Medrwn helpu i wneud newidiadau
- Medrwn gael gwybodaeth a chyngor
- Mae'n rhoi cyfle i ni gwrdd â phobl eraill gyda diddordebau tebyg a gwneud ffrindiau.
- Medrwn ganfod beth mae pobl ifanc mewn rhannau eraill o Gymru yn feddwl a'i eisiau.

**Rydym eisiau gwneud newidiadau yn yr ysgol/coleg –  
rydym eisiau ciniawau gwell a rhatach yn y coleg**



**Hamdden - yr hyn rydym yn ei wneud ar ôl yr ysgol ac  
yn ein hamser hamdden. Rydym eisiau mwy o leoedd i  
bobl ifanc fynd a thocynnau sinema rhatach.**



**Yr amgylchedd – rydym eisiau biniau a phalmentydd gwell  
yn ein hardal. Rydym hefyd eisiau mwy o groesiadau ffordd.**



**Symud tŷ - rydym eisiau bod yn annibynnol a chael  
mwy o ddewis o dai.**





**Trafnidiaeth – rydym eisiau bysus y medrwn oll eu  
defnyddio a chredwn y dylai bysus fod â gwregysau sedd  
ar gyfer cadeiriau olwyn.**



**Rydym eisiau gwybod mwy am ryw a pherthynas.**

# Pethau rydym eisiau eu gwybod – rhyw a pherthynas

Teimlai pawb mai un o'r materion oedd yn effeithio mwyaf arnynt oedd rhyw, rhywioldeb a pherthynas.



## Afiechydon

---

## Dysgu am ryw ac atal cenhedlu

---

Ein hawliau i briodi a chael babanod. Rydym eisiau siarad am ba oedran y medrwn briodi.

---

Gwybodaeth am gael plant a mabwysiadu.

---

Rhywioldeb – bod yn hoyw/lesbian.

---

Gwybodaeth am grwpiau cefnogaeth.

BIG  
LOTTERY  
FUND

## Sut y credwn y medrwn wneud pethau'n well yng Nghaerdydd

- Siarad gyda'r bobl mewn gofal – e.e. pennaeth yr ysgol
- Siarad gyda phobl sy'n rhedeg y gwasanaeth – ee y bobl yn yr orsaf bysus
- Siarad gyda'r cyngor
- Siarad gyda'ch cynghorydd lleol
- Siarad gyda'ch Aelod Seneddol neu Aelod Cynulliad Lleol

Beth ydych chi'n feddwl am y materion y gwnaethon ni godi – a ydyn nhw'n bwysig i chi?

# Adroddiad ar Gyfarfod y Rhwydwaith yn Stackpole



Lleisiau  
Ifanc dros  
Ddewis

d/o Jigsaw, Tîm Gweithredu Ieuenticid  
C.E.C. Aberdaugleddau  
Heol San Pedr  
Aberdaugleddau  
Sir Benfro  
SA73 2BU

**Gwnaethom yn wirioneddol fwynhau'r cyfarfod Rhwydwaith Rhanbarthol a gynhaliwyd yn Stackpole ym mis Hydref. Roedd yn dda cwrdd ag un neu ddau o hen ffrindiau a chwrdd â phobl newydd.**

Mae Lleisiau Ifanc dros Ddewisiadau yn teimlo ei bod yn wirioneddol bwysig i gwrdd gyda phobl ifanc anabl o bob rhan o Gymru. Byddem yn gobeithio y byddai'r rhwydwaith hwn yn rhoi'r holl gefnogaeth i ni i fod yn sail i eraill sy'n gwneud penderfyniadau am y materion sy'n bwysig i ni yn ein hardal a ledled Cymru.

Gall cludiant fod yn broblem fawr i ni yn Sir Benfro. Gobeithiwn y medrwn gynnal cyfarfodydd rheolaidd i wneud i bethau ddigwydd o ddifrif.

**Gan edrych ymlaen at eich gweld i gyd yn fuan!**

## Dash

**Lansiodd DASH ei gynllun Gweithredu Hawliau yn Hydref 2004. Mae wedi ei anelu i gyflwyno mater hawliau a chyfrifoldebau i bobl ifanc anabl. Ym mis Hydref cyfarfu'n grŵp i ganfod mwy ac etholwyd 4 cynrychiolydd i fynychu cyfarfod yn Stackpole.**

Bydd ein cynrychiolwyr yn bwydo'n ôl i'w grwpiau lleol cyn mynd ymlaen i gynhadledd flynyddol yn 2005. Os teimlwch, fel person ifanc, eich bod eisiau dweud wrthym ba faterion sy'n bwysig i chi, dewch draw i'r diwrnod nesaf allan a siarad gyda chynrychiolwyr neu arweinwyr y grŵp, neu gysylltu gyda ni a byddwn yn sicrhau y caiff eich sylwadau eu rhannu gyda'r grŵp ar eich rhan.

**Os hoffech ymuno â Fforwm E-bost Gweithredu Hawliau anfonwch eich cais e-bost at: [rebekah.jackson@lycos.co.uk](mailto:rebekah.jackson@lycos.co.uk) neu gysylltu â Rebekah Jackson ar 01545 570951.**

## Clebran, Barnardo's Cymru

**Fy enw yw Ffion Mair Jones ac rwy'n byw yng Nghlynnog Fawr yng Ngwynedd. Rwy'n aelod o Clebran - Barnardo's Cymru, grŵp o blant a phobl ifanc anabl i leisio eu barn ar y gwasanaethau a ddarperir iddynt yng Ngwynedd.**

Drwy Clebran y cefais fy ngwahodd i'r cyfarfod preswyl yn y Bala yn Hydref 2004. Roedd hwn yn gyfle da i mi gwrdd â phobl newydd o wahanol rannau o Gymru a chael hwyl! Roedd yn brofiad difyr a diddorol. Buom yn chwarae gemau, dysgu

beth yw ein hawliau, yr hyn y mae gennym hawl iddo a llawer o weithgareddau eraill.

Gallasom siarad gyda'n gilydd ar faterion a deimlwn yn bwysig.

Rwy'n edrych ymlaen at y cyfarfod nesaf. Rwy'n credu ei bod yn bwysig iawn i bobl ifanc gael dweud eu barn ac mae'r rhwydwaith yn ffordd dda o wneud yn union hynny!

**Clebran, Barnardo's Cymru**

Rydym ar y we!  
[www.childreninwales.com](http://www.childreninwales.com)

**PLANTYNG NGHYMRU  
25 PLAS WINDSOR, CAERDYDD CF10 3BZ**